

بازار ایرتسی

فی ۲۹ محرم سنہ ۱۳۲۹

وفی ۱۷ کانون ثانی سنہ ۱۳۲۶

جمعیت علمیہ اسلامیه نك ناشر افكاريدر

صاحب امتیاز :

فاتح مجیز درساملرندن

استانبول مبعوثی

مصطفیٰ عاصم

سر محرر :

فاتح مجیز درساملرندن

توقاد مبعوثی

مصطفیٰ صبری

مدیر مسئول :

مکتب قضاة معلملرندن

کایسلی منیر

مذرجات

بوسنه ده کی نمایش مناسبتیه بر تلف م صفوت

حق و حقیقت شارلاناقله ستر ایدیلہ من مصطفیٰ حق

اسلامیت مدنیت م شگری

نوع بشرده اهلیت حقوقیه احمد

ادبیات نظم و اشکالم نظم طاهر المولوی

مطبوعات داخلیه مدیریندن

بر تضرع یزار شادی

رباعی ، غزل ، قطعہ سعود المولوی



نسخہ سی ۱ غروشد

آبونه اجرتی (پوسه اجرتیه برابردر)

استانبول ولایات ایچون :

بر سنہ لکی ۵۰ غروش

التی آیلنی ۲۵ »

ممالک اجنیه ایچون :

۱۳ ، ۰۰ فرانق

» ۶ ، ۵۰

درج اولنیمان اوراق اعاده ایدلنر

قارئلمنزه

اکثر مقالانہ آیات کریمہ واحادیث نبویہ درج ایدلش بولندینی نظر اعتبارہ آلنہرق رعایتسزلکده بولنلامسی رجا اولنور .

درسعادت

محمود بك مطبعه سنده طبع اولنمشد



پازار ایرتسی کونلری نشر اولنور دینی ، ادبی ، سیاسی وفنی هفته لق غزته در .

نام و عنوانیه یالکیز شمدی دکل چوقدنبری بویه
حقسز تعرضله مناسبسز افتزالره هدف اولمقده درلر .
زواللیر! نه استبدادده مستبدلره ، نه مشروطیتده
حریتپرورانه یارانهمدقلری کوز اوکنده طورییور .
مع هذا بو وامثالی تعرضات واقعنک وقوعی احتمالی
عدم وقوعندن دهها قوتلی در . بناء علیه هر فرد هر
صنف کنندی شخصی کنندی صنفی محافظه ایچون حاضر ،
آماده بولنق لازم که متعرضین قارشولقسز قالماسون .
تعرضکده بوصورته آردی آرقه سی کسلون .

بر شخص نفسنه وقوعبولان تعرضک بارثقیل مؤلی
التدن ازیله ازیله قالمه بیلیر ، هم شخصی تعرضلرده
قالمق ، شخصی یوزندن اورتھانی ولوله دوشورمامک
لازمکلور . بزم جلیبت فطریه من ، اخلاق ملیه من غرور
نفسانی بی محویت اوزربنه هیچ بر زمان ترجیح ایتمز
واید من . بوکی تعرضات شخصیده حلم ، سکونت ،
صبر ، محافظه وقار انسانک انسانغنی یوکس لیدیجی ،

« سرای بوسنده منتشر مساوات غزته سی صوفه لر
(طلبه علوم) علمنده بر مقاله نشر ایتدیکنندن اوچ
یوز قدر طلبه اوکله دنصکره بالاجتماع (فیلیپوویج)
بارقنه غزیمتله نمایش اجرا وجریده مذکورنک برچوق
نخه لرینی احراق ایلمشلدرد .

نمایشجیلر ، بونی متعاقب اوقاف اداره سیله مذکور
غزته مطبعه سی وکنده اجتماعلر عقد ایتمش لر وجریده
مذکور محررینی علمنده تحقیر آمیز تجاوازا تده
بولتمشلدرد . »

بو حوادثی غزته لرده کوردیکم زمان سرای بوسنه
ده کی طلبه علوم قارداشلریمز آتیلان سنک تعرض
روحه نه نسبتده دارلق ویردیه واقع اولان مقابله ده
اونسبتده بی دوشونیدردی . فی الواقع مساوات
غزته سنک نه یازدیغنی ، نه سویلیدیکنی بیلمیز . فقط
یازدیغنی شیلرده هر حالده حقسز اولدیغنی اکلایشیلور .
بونده شبهه یوق . نه چاره که زواللی طلبه علوم « صوفه لر ،

ایکینچی بر تعرضه مقدمه یاپیورمکه ، انلره سر رشته حاضر لایویرمکه یاردم ایدر . بزه قالدورسه بوکی مدافعات طلبه علومه دکل سوسیالیزم تعقیب ایدن عمله کروهنه یاراشیر ، یاقیشر شیلردندر . طلبه علومک بتون سلاخی ، قونی علمی ، دلیلی اولمیدر .

ارمناکلی

م . صفورت

بیان الحق جریده معتبره سنه

آهنک غزته ۲۲ کانون اول تاریخی نسخه سنده مفتی فخرالدین امضالی مقاله ی ردایچون اشبو مقاله ی یازوب آهنک غزته سنه کوندرمش ایسه مده آهنک هر نه اسبابه مبنی ایسه یازم دیقندن مسلیکنک مناسبتی ایله بیان الحق ده نشر ایدلسی رجا اولنور .

الحق یعلو ولا یعلی علیه

حق و حقیقت شارلاناقله ستر ایدیه من اغنیاء مسلمینی عبادات مالیه نعمتندن فقرایی حقوق صریح لردن محروم ایتیمکه چالشان مجتهد زمان ! آهنک ۲۲ کانون اول تاریخلو نسخه سنده ۶ کانون اول تاریخلو یازیلان ردیه مزه قارشی قانون مناظره خارچنده درج ایدیلاں و هر جمله سیله ترجمه حالکی اعلان ایدن یازیکیزی او قودم سزه قارشو (جواب سکوت) کافی کوریلورسه ده قاصران فن و صاف دلان امتک سکوتی عجز و تسلیممه حمل ایتلمی احتماله مبنی سنی اقتناع دکل آنلری محافظه شو مقاله می ارباب احتصاصک ، حقیقت یدان امتک محکمه تمیزلرینه تقدیم ایدبورم فاضل ! حیفه که مراکزده بولنه مدیقمدن یازیلان ردیه لریک چوغندن خبردار اوله مامشم هله عالم اسلامک ناشر افکاری ومدافع حقوقی

خصوصیت شخصی مجادلات نفسانیه بالعکس انسانه شین ، غیب و یریحی شیلردندر .

فقط انسانک حیثیت نوعیسی بویه دکل . انسانلر مشروع دیه انتساب ایتدکاری بر مسلکی سه چوب ، بکنوب ، اختیار ادوب اویله طوتدقلری ایچون ناموس مسلک ، حیثیت ملیت کی محترم ، قیمتداردر . انسانلر شخصنه ایدیلاں تعرضه تحمل ایدرلر ، فقط مسلیکنه بر سنک تعرضک آ تلمسنه دکل ، اگری بر نظرله باقلمسنه بیله تحمل ایتمز وایده زلر . چونکه هرکس قانع در که شخصک دگری انتساب ایتدیکی مسلیکنک علوتی نسبتنده در . بوتک ایچون مسلیک محترم ، مقدس در . تعرضدن وقایه سی لازمدر .

هر مسلک اربابی کندی مسلیکنی معزز بیلدیکندن مسلیکنک عزتی محافظه ایچون البتده متعرضلره قارشی مدافعه حاضر اولمق مسلیکنی پایمال ایتدیر مامک لازم فقط مقابله ، تعرض نسبتنده اولمق ایجاب ایدر . مساوات غزته سنک واقع اولان تعرض نامشروع سنه ، مفتریانه سنه لازمکلوردی که بوسنده کی طلبه علوم قارداش لریمز مشروع ، حقلی بر مدافعه ده بولنملی . مساواتک طوتدینی حرکت متجاوزانه یی یاره ، اغیاره کوسترملی ایدی . یازدینی مفتریاتک هر برینی برر جرح ورد ایتلی ایدی که ناموس مسلک محافظه ایدلمش اولسون . کندیلرینه افترا ده بولنان قاره یوزلره آجیق التلرینی کوسترملی ایدی که آق یوز ، قاره یوز سچلسون افترا لره سیاهلاناں عبوس و جهلره دوست ، دشمن توکورسون ظالم ایله مظلوم حق ایله باطل آیرلسون ، آیرلسونده بوکی تعرضلرک آردی آرقه سی کسلمش اولسون .

یوقسه مطبعه نامه کاغد پارچه لرینی یاقق ، محرر لرینی تحقیرلره بوغغق ، مسلیک دشمنلرینک اتش غیظنی تسکینه دکل علولندیرمکه ، علملرنده کی وقوع بوله حق